

摘藻堂四庫全書薈要

史部

欽定四庫全書叢要

史部

欽定大清會典卷八十七

八

詳校官編修臣繆晉



欽定四庫全書薈要卷八千三百十六

吏部

欽定大清會典卷八十七

內務府

總管無定員於滿洲文武大臣或王公內

簡用掌內府一切事務奉宸苑武備院上駟院並隸

馬所屬廣儲會計掌儀都虞慎刑營造慶豐七  
司

廣儲司管理六庫郎中二人郎中四人員外郎

十有二人主事一人司庫十有二人掌理內府  
庫藏筆帖式二十六人○管理江寧府蘇州府  
杭州府織造官各一人

於內務府司官內司庫  
奏簡仍帶原銜

各一人庫使各二人筆帖式各二人

會計司郎中三人員外郎六人主事一人掌理  
內府帑項筆帖式二十六人○內管領三十人  
副內管領三十人筆帖式八人○管理三旗納  
銀莊郎中一人員外郎六人主事一人筆帖式

十有二人

掌儀司郎中二人員外郎八人主事一人掌內  
府典禮司俎官五人贊禮郎十有七人筆帖式  
二十二入○尚膳正尚茶正一等侍衛各一人  
二等侍衛各二人尚膳副尚茶副三等侍衛各  
一人尚膳三等侍衛六人尚茶三等侍衛三人  
尚膳藍翎侍衛七人尚茶藍翎侍衛四人主事  
一人筆帖式十有二人○

中正殿員外郎二人筆帖式三人○

雍和宮郎中員外郎各一人筆帖式三人○咸安宮官學筆帖式一人○南府景山筆帖式各二人○藥房主事一人未入流庫掌二人筆帖式十有五人

都虞司郎中二人員外郎五人主事一人掌府屬武職陞補及內府護軍供應畋漁筆帖式二十六人○掌

御舟筆帖式二人尚虞筆帖式一人鷹房鵲房筆帖式各二人狗房筆帖式三人

慎刑司郎中二人員外郎四人主事一人掌內府刑罰筆帖式二十人

營造司郎中二人員外郎八人主事一人掌理造作兼司薪炭筆帖式二十六人○官房租庫筆帖式七人未入流庫掌一人○刊刻

御書處監造一人未入流庫掌三人署庫掌四人筆

帖式二人○

武英殿修書處監造二人庫掌四人署庫掌五人  
筆帖式五人○

養心殿造辦處郎中二人員外郎二人主事一人  
庫掌六人筆帖式十有六人

慶豐司郎中二人員外郎十人主事一人掌牧  
館廐牛羊及口外牧場孳生蕃息筆帖式十有  
六人



堂郎中一人主事二人掌治堂事凡府屬文職

升補

武職隸都虞司

及章奏文移皆隸焉筆帖式三十

八人○稽察內務府御史所屬筆帖式八人

凡升除郎中至八品苑副由府及該處簡選引見補授未入流司庫以下由府除授其升選調補均依成法

凡京察府屬官員每三年由總管考察一次分別去留具題請

旨

凡遇三大節

太和殿

皇太后宮行禮均與百官同

皇后宮行禮於內右門外

躬祀

壇廟

車駕出入於

午門外跪候迎送

駕經由內務府衙門總管率所屬官排班祇候

凡常朝內務府總管率所屬文武官於

右翼門外總管於門階上各官以次列坐於階下

以都虞司司官察班

凡直宿日以總管一人如因事不能入直以郎

中代恭遇

皇帝宿

齋宮

行幸駐蹕

皇太后

皇后在宮中奏留總管一人在京如遇

皇帝進宮

皇太后

皇后在

圓明園奏留總管一人在園

凡恭遇

皇太后

皇后

妃

嬪出入總管一人率內府護軍統領叅領內府護  
軍豹尾班扈從如總管之人行文領侍衛內大  
臣以散秩大臣一人代

凡用

御寶恭遇

行幸駐蹕總管一人同內閣學士於

乾清門監視

凡輿制

皇太后

皇后輿重頂上層六方各面濶一尺四寸二層深四尺四寸濶三尺六寸皆飾以金垂檐二層均黃綾銷金鳳覆以黃雲綺風衣上安釵花金頂輿

屋高四尺五寸深三尺五寸濶二尺八寸幃用  
黃雲綺輪轅均髹以黃轅兩端輪鐃輶均以鐵  
為之鍍以金

皇貴妃輿鍍以金銀餘同

貴妃輿安鍍花鍍金頂幃用金黃綺餘同

皇貴妃之制

妃輿用金黃綾銷金鳳覆以金黃雲綺風衣幃用  
金黃雲綺餘如

貴妃之制

嬪貴人輿頂深四尺四寸濶三尺六寸檐幃均用金黃雲綺輪轅髻以金黃餘如

妃之制常在以下檐幃均用青雲綺銅頂輪轅髻以朱鍍以銀餘如

貴人之制

皇子福晉輿檐幃均用絳雲綺上安銀頂餘同前

廣儲司



凡府庫有六曰銀庫曰段庫曰衣庫曰茶庫曰皮庫曰瓷器庫各有專司物相類者則兼掌之總管率郎中司庫等官慎出納時供奉每月終奏銷次年彙造黃冊具題閱五年奏

簡司官清釐庫藏

凡供奉

皇太后

皇帝

皇后御用冠服

妃

嬪暨

皇子公主朝冠朝服皆依禮部定式敬謹成造○

歲進

皇太后宮金珠表裏

皇后

妃

嬪宮表裏均按數供奉○隨時應用器物皆準宮  
殿監督領侍移文恭進○恭遇

車駕時巡齋金錢皮幣及應用器物以從

凡出納山西歲貢潞紬由工部江南浙江貢茶  
由戶部光祿寺蒙古王公台吉外國君長番部  
喇嘛朝貢方物由禮部理藩院均移送至府付  
各庫驗收捕牲烏喇貢珠索倫烏亮海貢貂會  
戶工二部區別等次

盛京寧古塔貢人參寧古塔瓜爾察貢貂由府區  
別等次均具奏貯庫山海關外屯衛貢狼狐水  
獺等皮

盛京貢布棉鹽靛張家口貢紅花三旗游牧處貢

羊皮玉草

即得勒  
蘇草

均送庫驗收其支發庫物見

有者不得逾六日移取戶工二部者不得逾十  
日均準各處文移發給

凡遣官製造江南江寧蘇州二府浙江杭州府

差織造官各一人司庫各一人筆帖式各二人  
庫使各二人設機募匠分織龍衣采幣錦段紗  
紬絹布棉甲及採買金絲織絨之屬歲由府擬  
定色樣及應用之數奏行織造

上用者陸運官用者水運各依限輸庫驗收以數咨  
戶部奏銷○江西九江府景德鎮差官製造瓷  
器輸庫收貯歲終由府奏銷

凡供用

宮中祭

神

奉先殿制帛並需用金銀幣布及香紙之屬由銀庫段  
庫茶庫封開

御寶需用鑪鐙爵盃由銀庫瓷器庫年節張鐙  
躬祀

壇

廟

堂子

駕前及各門擎執引鐙由皮庫瓷器庫各

宮殿寺廟供花

御燕前所用采花由茶庫均準移文恭進

凡賞賚王公大臣侍衛每歲冬至前應

賜朝冠朝服端罩

閱校大臣侍衛內府三旗所屬官兵騎射奉

旨賞鞍馬銀幣均由府具奏

頒賜

視學

幸魯禮成

賜行聖公朝冠朝服恭纂

實錄告成賞監修總裁纂修官表裏來朝之蒙古王公

台吉進貢之朝鮮安南琉球西洋暹羅緬甸蘇

祿南掌諸國王西藏番部喇嘛及其使臣賞貂

皮表裏瓷器直省舉報壽民壽婦年逾百歲者



奉

旨加賞銀幣均準禮部理藩院移文發給

凡官給衣物朝祭燕會豹尾班侍衛蟒袍

內朝筵燕及饗

先蠶執事命婦朝衣鹵簿內執兵仗馭馬親軍護軍  
冠服宿衛之侍衛至領催步軍冬夏被褥準領  
侍衛內大臣鑾儀衛掌儀司移文按時給發會  
試舉子禦寒棉襪準禮部移文兵丁操演棉甲

準八旗移文支領均事畢交還敝則補製

凡優卹內府三旗官兵婚喪給

恩賞銀年七十以上男婦給銀幣

宮殿內監歲給衣服守護

陵寢內監尚茶尚膳婦女供奉

奉先殿廚役內管領下內外執事男婦及匠作夫役之  
隸內府者歲給羊裘段布各有差

凡匠作七等銀作銅作皮作染作衣作繡作花

作各有定數皆以執藝之優劣定役食之多寡  
長以領催總以司匠闕則召募惰則革除

會計司

凡

皇莊各有等次

盛京莊八十有四一等莊三十五二等七三等八  
四等三十四山海關外莊二百十有一一等莊  
六十六二等四三等二十四等百二十一喜峯

口古北口外莊百三十八均一等歸化城莊十有三捕牲烏喇莊五駐馬口外彌陀山莊十有五均不分等次

畿輔莊三百二十有二一等莊五十七二等十有六三等三十八四等二百十有一半莊七十一豆糧莊六稻田莊三均不分等次每莊設莊長一人瓜田菜圃置莊設長亦如之別給耕地以養其家衆

禁苑稻麥田供

上幾餘觀省委官一人董率莊長祇承厥事

凡莊賦共地萬三千二百七十二頃八十畝賦糧九萬三千四百四十石菽二千二百二十五石芻八萬一千九百四十束各有奇

凡徵糧

盛京一等莊每莊歲納糧三百八十二石二等三百五十二石三等三百有七石四等百九十二

石除給三旗丁糧外以三萬石貯窖萬石貯奉天府倉由

盛京內務府總管徵收關外一等莊歲納糧三百二十二石二等二百九十二石三等二百六十二石四等百九十二石每糧十石折銀二兩每莊於正數外不論等次各納雜糧二十九石一斗六升折銀四十一兩有奇由錦州副都統徵收口外每莊歲納糧二百五十石每糧二石折

米一石貯熱河倉每運米十石抵糧一石正數  
內各納雜糧三十三石折銀四十兩有奇由熱  
河總管徵收歸化城每莊歲納糧二百石貯本  
城旗倉由都統徵收捕牲烏喇每莊歲納糧六  
百有四石八斗以二萬石貯倉餘糧平糶由總  
管徵收駐馬口外每莊歲納米二百石貯本處  
旗倉由右衛將軍徵收

畿輔一等莊每莊歲納糧二百五十石二等一百

二十石三等一百九十石四等百二十石半莊

六十石每糧十石折銀五兩一二等莊於正數

內納雜糧三十三石折銀六十八兩三四等莊

納雜糧二十九石折銀六十兩各有奇豆糧六

莊歲納菽二千二百二十五石芻八萬一千九

百四十束稻田三莊每畝納米二斗四升至三

斗六升有差旱地每畝納糧四斗五升均由司

徵收○芻菽除豆糧莊歲輸所入外餘按內外



鹿園牧羣所需之數分撥於各莊歲於九月望  
至次年二月杪出場游牧以前計日飼秣近者  
以馬就莊遠者運料供馬均準抵正糧○雜徵  
盛京及關外每莊均歲輸錢一關外並納茜草線  
麻及蔓蒿黃花薤諸蔬

畿輔一二等莊歲納豕三三四等莊歲納豕二及  
麻麥稻秫諸秸並紅花蓼子芥子菜子瓢箬瓢  
翎之屬

凡

內廷歲時祭

神暨

奉先殿應用黍稷稻粱之屬均令朝陽門外八莊供奉  
貯於官三倉

凡徵輸考成按各莊應納糧數析為十分欠一  
分至十分者枷責有差五分以下者於次年并  
徵六分以上者革所欠豁免芻菽雜徵同莊長

輸將急公閱四五十年無逋欠者給八品頂帶  
閱二三十年及經年無欠因年老告退者均給  
九品頂帶領催於承催之莊三年無欠者亦給  
九品頂帶逾限不完者與莊長並論

### 凡勘災

畿輔各莊偶遇旱潦即報府由地方官履勘具冊  
結於總督轉達於府如與原報相符給口糧議  
蠲免捏報者莊長治罪

盛京及關外口外各莊同由總管將軍都統副都  
統達府至於鹵硃沙瘠不能按則輸將者勘實  
大莊改半莊半莊交地方官召佃

凡莊長闕各以其親屬承充欠糧或緣事革退  
及新設之莊均於本莊及別屬壯丁內選補除  
緣罪没入及投充之人選為莊長外餘陳人子  
弟均準應試

凡編審壯丁每三年一次

盛京及關外口外各莊由總管將軍都統副都統  
畿輔由府委官各具冊於府由府彙冊奏

聞以周知各莊壯丁之數若莊長自買之人不準入  
冊其自

國初投充及無罪撥遣之壯丁內有力能謀生者  
令莊長報府聽入民籍

凡奏銷

內廷祭

神金銀牲幣於十二月官三倉黏稻蜜鹽於六月米蠟  
於八月

畿輔莊糧於十二月各莊芻菽於四月

盛京及關外口外莊糧於文到一月內各具題均  
於次年覈銷上年之數

凡

皇子分封各按爵秩給以莊地人丁公主郡主贈  
嫁亦如之

凡選宮女於內府三旗佐領內管領下女子年  
十三以上者造冊送府奏交宮殿監督領侍等  
引

見入選者留

宮餘令其父母擇配其留

宮之女至二十五歲遣還擇配

凡宮中乳母保嫖於各佐領內管領下選充仍  
別雇乳母以哺乳母之子女

凡尚膳尚茶及鷹鷄鵲狗房執事人各廐園廐  
丁均以佐領內管領下應選之人送該管處選  
用

凡收錄內監由禮部冊列姓名籍貫移府總管  
察其來由無異迺委年老內監一人驗實具奏  
候

旨分撥年老者聽其回籍為民

凡支給內監月費執事人匠役餼廩



盛京三旗內管領下人丁口糧守熱河

行宮倉庾兵丁月餉

盛京捕送鹿兔捕牲烏喇貢珠官役廩給芻秣均  
行文所司支領辦其多寡增減之數各有差

凡

恩卹三旗佐領內管領下鰥寡孤獨者月給銀米養  
贍孤子族成人能執役迺止○絕嗣有產業者  
為立祭田及守墓奴僕餘給其女暨姊妹有差

凡

宮中祭

神

內廷供奉均以內管領率所屬男婦敬謹從事

凡官三倉分貯米鹽蜜蠟每倉以內管領副內  
管領各二人經理出納每年一次或二次於戶  
部支領歲終具冊奏銷

凡瓜果園菜園六十丁瓜園三十丁各給畦地

一頃八十畝或以旱地五畝準畦地一畝畦地園丁各納瓜蔬有差旱地園丁徵銀如果園丁

例

見掌儀司

凡監造醯醢以內管領二人未入流庫掌二人庫守四人董其事

凡造辦餅餌設造辦房二所一以內管領分班輪直監視造辦進

御者一以內管領一人專司造辦供品

凡車輿設庫收貯以內管領四人典守

凡器皿日用有額以內管領二人典守非常用之器別貯於廣儲司庫歲一檢稽

凡納銀莊順治初年

畿輔之民攜地來投者各就其地而立之莊計莊

百三十有二不立莊者並仍其戶計戶二百八

十有五

內有棉龍戶  
改入者六

又蜜戶三十有八葦戶七

各攜地自三十畝至二十八頃有差其以身來

投給官地四十二畝耕種者曰繩地人計戶二十有九

凡田賦共地五千七百四十八頃三十畝賦銀三萬八千九百二十兩芻十有二萬一千七百九束各有奇

凡徵收各視其地之多寡肥磽以定則二十八頃之莊一歲徵銀七百兩二十七頃之莊一徵銀三百兩二十一頃之莊一徵銀四百兩畦地

二頃三十八畝之莊一徵銀二百五十兩十八

頃之莊二十有九各徵銀二百兩九頃莊二各

徵銀百兩七八頃之莊九十七每畝徵銀一錢

一分有奇不立莊者每畝徵銀三分芻一束

東重

七斤遠戶每束折銀三分蜜戶每六畝徵蜜五斤

葦戶每畝徵銀一分至八分有差內徵蘆葦六

千二百五十斤每斤準抵銀三釐五毫有奇繩

地人與不立莊者賦同均照例徵銀交廣儲司

貯庫芻交廐館蜂窠蘆葦交官三倉○雜徵各  
莊戶歲納柳條檉麻繩帚之屬共折銀千四百  
八十三兩有奇令催長採買交官三倉

凡徵輸勸懲莊地勘災編審各莊戶壯丁均如  
例莊長闕各以其子弟充補奏銷以次年之十  
二月

欽定大清會典卷八十七



欽定四庫全書薈要卷八千三百十七

史部

欽定大清會典卷八十八

內務府

掌儀司一

凡饗

奉先殿之禮

國初

定鼎燕京崇建

太廟以奉

列祖歲時祫饗又於

大內景運門之東建

奉先殿朔望瞻拜時節薦新生忌祭饗出入啟告以展  
孝思

前殿

後殿均九間中為穿堂以聯前後繚以周垣

前殿設

列聖

列后龍鳳神寶座邊豆案香帛案祝案尊案

後殿同殿異室各設神龕寶牀寶倚樺櫨前設供案鐙  
檠均如事生之儀中室奉安

太祖高皇帝神位居左

孝慈高皇后神位居右左室奉安

太宗文皇帝神位居中

孝端文皇后神位居左

孝莊文皇后神位居右右室奉安

世祖章皇帝神位居中

孝惠章皇后神位居左

孝康章皇后神位居右左第二室奉安

聖祖仁皇帝神位居中

孝誠仁皇后神位居左

孝昭仁皇后神位居右

孝懿仁皇后神位居左次

孝恭仁皇后神位居右次右第二室奉安

世宗憲皇帝神位居左

孝敬憲皇后神位居右左第三室奉安

孝賢皇后神位均南嚮

凡朔望

皇太后聖壽

萬壽聖節元正冬至及國有大慶均恭奉

列聖

列后神牌於

前殿祭饗禮成還御

後殿寢室

前殿正中設

太祖高皇帝位於左

孝慈高皇后位於右左間設

太宗文皇帝位於右次

孝端文皇后位次

孝莊文皇后位右間設

世祖章皇帝位於左次

孝惠章皇后位次

孝康章皇后位左第二間設

聖祖仁皇帝位於右次

孝誠仁皇后位次

孝昭仁皇后位次

孝懿仁皇后位次

孝恭仁皇后位右第二間設

世宗憲皇帝位於左次

孝敬憲皇后位均南嚮

帝后同案左第三間設

孝賢皇后位西嚮皆簋二盞二籩十有二豆十有二

簠一鑪一鐙二各登一鉶一奉先制帛一孝賢

皇后用素帛尊一金爵三金匳一金箸二帛共篚尊

實酒疏布幕勺具其登銅簋簠籩豆尊篚陳設



一如

太廟之制惟不設牲俎不行飲福受胙禮王公百官不陪祀祭前一日本司官率所屬進祝版於

神庫祝案迺省盥展器刲牲瘞毛血樂部及本司內監設中和韶樂於階上分左右懸祭日讀祝官詣

神庫祝案前行一跪三叩禮恭奉祝版贊禮郎二人前引由

奉先門中門入進

殿中門跪設於西旁祝案三叩退內府奉請

神牌各官進至

後殿內各就

寢室前上香一跪三叩恭奉

神牌依次行至

前殿各依次奉安於

寶座一跪三叩退司拜褥官設

御拜褥於

殿門內正中及各香案前掌儀司官詣

乾清門奏請

皇帝御袞服乘金輿出宮由

景運門至

誠肅門降輿前引大臣十人次贊引太常卿二人

恭導

皇帝入

奉先門左門大臣二人後扈及豹尾班侍從如儀內  
監跪進盥盤帨巾於階下

皇帝盥洗由左階陞進至

殿內拜位前北嚮立豹尾班侍衛至階下左右前引導  
十大臣至

殿陛上兩旁均止立東西面後扈二大臣隨入於

皇帝後兩旁僉立典儀官贊樂舞生登歌執事官各  
共迺職引舞官二人執旌節引武舞八佾進贊

引官奏就位

皇帝就拜位立典儀官贊迎

神司香官各奉香盤進贊樂官唱舉迎

神樂奏貽平之章司香官進至各香案旁立贊引官奏  
就上香位恭導

皇帝詣

太祖高皇帝香案前司香官跪進香贊引官奏跪

皇帝跪奏上香

皇帝上柱香次三上辦香興以次詣

列聖香案前上香儀同贊引官奏復位各香案司拜褥

官起拜褥

皇帝復位奏跪拜興

皇帝行三跪九拜禮

孝賢皇后位司香官奉香盤進贊引官恭導

皇帝詣

孝賢皇后香案前司香官跪進香

皇帝立上柱香次三上辦香恭導

皇帝復位樂止典儀官贊奠帛爵行初獻禮司帛侍  
衛奉篚司爵侍衛奉爵以次進北面立贊樂官  
唱舉初獻樂奏敕平之章樂作舞千戚之舞司  
帛詣

列聖

列后神位前跪奠帛篚於案三叩司爵詣案前立獻爵  
奠於爵墊正中皆退司祝至祝案前跪三叩奉

祝版跪案左樂暫止贊引官奏跪

皇帝跪贊引官贊讀祝司祝讀祝畢

祝版內不書

孝賢皇后諡

號奉祝版詣

太祖神位前跪安於帛篚三叩退贊引官奏拜興樂作  
皇帝行三拜禮興樂止引武功之舞退引舞官二人  
執旌節引文舞八佾進典儀官贊行亞獻禮司  
爵奉爵以次進贊樂官唱舉亞獻樂奏敷平之  
章舞羽籥之舞司爵獻爵奠於爵墊左儀如初



獻樂止典儀官贊行終獻禮司爵如前進贊樂

官唱舉終獻樂奏紹平之章

舞同  
亞獻

司爵獻爵奠

於爵塾右儀如亞獻樂止引文德之舞退典儀

官贊徹饌贊樂官唱舉徹饌樂奏光平之章樂

止贊禮郎一人趨至中間左旁北面跪奏禮成

請

還宮三叩退贊樂官唱舉

還宮樂奏入平之章贊引官奏跪拜興

皇帝行三跪九拜禮樂止典儀官贊奉祝帛恭送燎  
所司祝司帛各詣

神位前跪三叩奉祝奉帛司香跪奉香興恭送燎所贊  
引官恭導

皇帝轉立拜位東旁西嚮司拜褥官起拜褥候祝帛  
過仍設贊引官恭導

皇帝復位祝帛燎半奏禮成恭導

皇帝由

殿左門

奉先門左門出內府官各詣

神位前行禮恭奉

神牌還御

後殿寢室

皇帝至誠肅門外陞金輿還宮○遣官行禮奠獻均  
如前儀贊禮讀祝用內府贊禮郎遣

皇子行禮具補服至

誠肅門本司官贊禮郎二人前導

皇子由

奉先門右門入升西階至正中行禮上香由

殿右門出入祝帛送燎時避立西旁禮成仍由西階降  
由原進門出遣王公內大臣行禮同

凡恭上

徽號

冊立

冊封

御經筵

耕藉

謁

陵巡狩

回鑾及諸慶典均祇告於

後殿前一日本司官一人視刲牲瘞毛血祭日陳香鐙  
神位前各設爵三每案籩六豆二讀祝官詣

神庫祝案前一跪三叩恭奉祝版贊禮郎二人前

引入

後殿中門跪設於西旁祝案三叩退內監啟

神龕司拜褥官設

御拜褥於

後殿門內正中至時掌儀司官詣

乾清門奏請

皇帝御袞服乘金輿出宮由

景運門至

誠肅門降輿內大臣侍衛前引後扈如儀贊引太常卿二人恭導

皇帝入

奉先門左門由

殿東夾道門入至

後殿左階下豹尾班止於門外內監跪進盥盤帨巾

皇帝盥洗由左階陞入

後殿左門至拜位前北嚮立後扈二大臣隨進在後僉  
立前引十大臣至穿堂內兩旁東西面立典儀  
官贊執事官各共迺職贊引官奏就位

皇帝就拜位立司香官各舉香合進贊引官恭導

皇帝詣

太祖寢室香案前立贊引官奏跪

皇帝跪奏上香

皇帝接香合拱舉仍授司香官興三上香贊引官恭



導

皇帝依次詣左右

寢室前上香畢贊引官奏復位恭導

皇帝復位奏跪拜興

皇帝行三跪九拜禮興恭導

皇帝至

孝賢皇后寢室前立上香畢復位典儀官贊奠帛爵  
行初獻禮司帛爵侍衛各奉篚奉爵進至

神位前司帛跪奠帛於案三叩司爵立獻爵奠於爵墊  
正中皆退司祝進至祝案前跪三叩奉祝版跪  
案左贊引官奏跪

皇帝跪贊讀祝司祝讀祝畢奉祝版詣

太祖寢室前跪安於帛篚三叩退贊引官奏拜興

皇帝行三拜禮興典儀官贊行亞獻禮司爵獻爵奠  
於爵墊左儀同初獻典儀官贊行終獻禮司爵  
獻爵奠於爵墊右儀同亞獻贊引官奏跪拜興

皇帝行三跪九拜禮興典儀官贊奉祝帛恭送燎所  
司祝司帛各詣

神位前一跪三叩奉祝帛恭送燎所贊引官恭導

皇帝轉立拜位東旁西嚮司拜褥官起拜褥候祝帛  
過仍設贊引官恭導

皇帝復位奏禮成恭導

皇帝由

後殿左門東夾道

奉先門左門出至

誠肅門外陞金輿還宮○遣官行禮

皇子具補服至

誠肅門本司官贊禮郎導引由

奉先門右門入由

殿西升穿堂右階至穿堂正中行禮上香由

後殿右門出入祝帛送燎時避立西旁禮成仍由右門

出遣王公內大臣行禮同

凡恭遇

列聖聖誕

列聖

列后忌辰及元宵清明霜降歲除等日於

後殿行禮

神位前各陳香鐙設酒脯果實畢內監啓

神龕掌儀司官詣

乾清門奏請內務府總管同內府贊禮郎恭導

皇帝入

後殿詣各

寢室上香所司設

御拜褥於

殿內正中

皇帝就位行禮一如祇告儀

均不奏贊

忌辰御素服節令

御袞服○遣官行禮與祇告同

凡立春端陽重陽等節及四月八日於

後殿陳香鐙每

神位前設酒脯果實

四月八日  
不設酒脯

畢內監啓

神龕本司官一人具補服上香行禮○

壽皇殿尊奉

聖祖仁皇帝

世宗憲皇帝

御容凡遇

聖誕忌辰及元正令節

皇帝躬率諸

皇子及近支王等展謁行禮其歲時奠獻一如事

生儀

凡祀

堂子之禮建

堂子於

長安左門外街門北嚮內門西嚮建祭

神殿於正中南嚮前為拜



天圓殿殿南正中設

大內致祭立杆石座次稍後兩翼分設各六行行  
各六重第一重為諸

皇子致祭立杆石座次親王郡王貝勒貝子公各  
依次序列均北嚮東南建

上神殿南嚮歲正朔

皇帝率王公滿一品文武官詣

堂子行拜

天禮

由禮部豫期請旨

是日內府官設

皇帝拜位於

圓殿外甬道正中鴻臚卿率鳴贊官夾甬道東西面序立有司陳香鐙內務府總管一人率諸王一等護衛各一人豫詣

圓殿內進楮帛鑾儀衛陳法駕鹵簿於

午門外日出前十刻禮部堂官詣

乾清門奏請

皇帝詣

堂子行禮

皇帝御禮服乘禮輿出宮前引大臣十人後扈大臣  
二人豹尾班執槍佩刀侍衛二十人佩弓矢侍  
衛二十人翊衛如儀

駕發警蹕

午門鳴鐘法駕鹵簿前導不與行禮之百官及外  
藩蒙古王公台吉朝鮮諸國使臣咸朝服跪送

導迎鼓吹設而不作

皇帝由

堂子街門入禮部堂官二人恭導至內門降輿

皇帝由中門入至

圓殿前就拜位南嚮立鴻臚官引王公於丹陛上各官  
於丹陛下均南嚮序立東位西上西位東上鴻  
臚官奏跪拜興

皇帝率羣臣行三跪九拜禮奏禮成禮部堂官恭導

皇帝出內門陞輿法駕鹵簿前導導迎樂作奏祐平  
之章

皇帝回鑾王公從各官以次退不與行禮之百官及  
蒙古王公台吉諸國使臣於

午門外跪迎

午門鳴鐘王公隨

駕入至內金水橋恭候

皇帝還宮王貝勒貝子赴

乾清門族入

坤寧宮祭

神殿行禮

凡立杆祭

神於

堂子之禮歲以季春季秋月朔

或二四八十月  
或上旬詠吉

舉行祭

前一日有司立杆於

圓殿南正中石座祭日懸黃幡繫采繩綴五色繒百縷

楮帛二十有七備陳香鑪司俎官由

大內恭請

神位安奉於祭

神殿內南嚮陳饌餌九盤酒琖三

圓殿陳饌餌三盤酒琖一楮帛如前數設

御座於祭

神殿檐下西旁鑾儀衛陳法駕鹵簿日出前十刻禮部

堂官詣

乾清門奏時

皇帝御龍袍袞服乘禮輿出宮敬言蹕扈從如元正儀  
禮部堂官朝服自街門恭導

皇帝至內門降輿由中門入至祭

神殿陞階至檐下就

御座東嚮坐王貝勒於丹陛上貝子入八分公於丹  
陛下均按翼北上東西面相嚮坐贊祀二人先  
於祭



神殿次於

園殿內均九酌獻三致禱司俎官率執事奏樂舉和畢

所司設

御拜褥一於祭

神殿一於

園殿禮部堂官恭導

皇帝詣祭

神殿

圓殿贊祀各致祝辭

皇帝各行一跪三拜禮王公百官序立丹陛下兩旁  
不隨行禮禮畢恭導

皇帝至檐下就

御座南嚮坐王公等各就原處列坐司俎尚膳徹餽  
尚茶徹酒

皇帝命分賜王公各祇受訖降丹陛下序立禮部堂  
官跪奏禮成恭導

皇帝由中門出陞輿奏樂還宮百官跪迎儀均與元  
正同司俎官恭奉

神位還御如

皇帝不親詣行禮王公百官不齊集以贊祀致辭行  
禮○王公等致祭日立杆於各班位石座至街  
門外下馬自內門右門入坐於西檐前階下東  
面○

大內致祭後越日為馬祭

神於

堂子如儀○官員庶人不得設立

堂子有違例致祭並王公不按爵次爭祭者論

凡月祭之禮孟春上旬三日餘月朔日

大內遣司俎官率

堂子官吏於

圓殿奠獻饎酒楮帛贊祀六酌獻三致禱司俎官率執

事奏樂舉和贊祀祝辭行禮如儀是日內管領

一人於

上神殿獻饌酒楮帛親王郡王各遣護衛一人於  
上神殿獻楮帛執事者均令先期齋戒

凡浴

佛之禮歲以孟夏上旬八日司俎官率執事人等自

大內請

佛至

堂子祭神殿陳香鐙獻饌酒王公各遣人獻饌執事設

盥盤贊祀二人浴

佛畢六酌獻三致禱如儀禮成奉

佛還御是日

大內及軍民人等不祈禱不祭神禁屠宰不理刑

名

凡

大內祭

神之禮奉晨祀

神位於祭

神殿西位東嚮奉夕祀

神位於西北南嚮日昧爽於晨祀

神位前設饎餌九盤尊一琖一鑪三寅刻進二豕於庭

贊祀就

神位酌獻祝禱司俎官率所屬奏樂舉和畢贊祀跪致  
辭迺封牲先薦血次熟而薦於俎贊祀酌獻致  
辭行禮畢徹饌分胙如儀申刻於夕祀

神位前陳琖五鑪五不酌獻祝禱時代鼓餘均與朝薦

同

皇帝躬祭

壇

廟齋戒日忌辰清明禁屠日不祭餘皆日以為常月朔  
之翼日昧爽立杆於庭陳豕一以祀

天司祝致辭畢割牲先薦血次倫膚為膾並炊穀飯以  
薦司祝致辭如前○歲以四孟月用馬牛金幣



祇薦於

神贊祀致辭如儀

凡出師展拜

堂子之禮

皇帝親征諏吉啓行內府官豫設

御拜褥於

圜殿外及內門外

御營黃龍大纛前兵部陳螺角鑾儀衛陳鹵簿均如

儀

皇帝先詣

圓殿次詣

纛前均行三跪九拜禮六軍凱旋

皇帝入都門先詣

堂子行禮如儀○

命將出師

皇帝率大將軍及隨征將士詣

堂子行禮次拜

燹儀均與

親征同凱旋日詣

堂子行告成禮

以上詳見禮部軍禮

凡祀

羣神之禮建

凝和廟於

紫禁城之東以奉

雲師之神歲以秋分後三日致祭建

宣仁廟於

紫禁城之東北隅前殿奉

風伯之神後殿奉

八風之神歲以立春後丑日致祭建

昭顯廟於

紫禁城之西以奉

雷師之神歲以立夏後申日致祭建

時應宮於

紫禁城之西北隅前殿奉

四海

四瀆龍神中殿奉

京畿龍神後殿奉

八方龍神歲以季夏旬有三日致祭均素羞香燭  
遣內府官行禮○如遇亢旱遣官祈雨各

神位前均陳帛一果饌十有五盤尊一爵三鑪一

鐙二祭日設樂於西階下

自迎神至望燎皆奏樂

日出前

二刻遣官及執事官皆雨冠素服詣

廟內府贊禮郎二人引遣官入

廟左門贊引贊盥洗遣官盥手畢引升左階進

殿左門就正中拜位前北嚮立典儀贊執事官各

共迺職贊引贊就位遣官就拜位典儀贊迎

神樂作司香奉香盤進贊引贊就上香位引遣官

詣香案前贊上香司香跪奉香遣官立上柱香

次三上辦香畢贊復位遣官復位贊跪叩興遣  
官行三跪九叩禮典儀贊奠帛爵行初獻禮司  
帛奉篚司爵奉爵進至

神位前司帛跪奠帛三叩司爵立獻爵奠正中皆  
退司祝至祝案前跪三叩奉祝版跪案左贊引  
贊跪遣官跪贊讀祝司祝讀祝畢奉祝版詣

神位前跪安於帛篚叩如初退贊叩興遣官行三  
叩禮典儀贊行亞獻禮司爵獻爵奠於左贊行

終獻禮司爵獻爵奠於右儀均如初獻贊送

神贊引贊跪叩興遣官行三跪九叩禮典儀贊奉

祝帛詣燎所有司奉祝次帛次香恭送燎所引

遣官避立拜位西旁東面候祝帛過引復位祝

帛燎半贊望燎引遣官出望燎贊禮成引退○

得雨後報祀陳帛一羊一豕一果實五盤餘同

祈告遣官及各執事官咸朝服行禮○建

城隍廟於



紫禁城內西北隅奉

紫禁城城隍之神建

永佑廟於

皇城西安門內奉

皇城城隍之神一如祭

都城隍廟之禮歲以

萬壽聖節並季秋遣內務府總管各一人致祭

萬壽聖節

神位前陳帛一羊一豕一果實五盤尊一爵三鑪  
一鐙二秋祭陳鉶二簠簋各二籩豆各十餘同  
祭日均設樂於西階下

自迎神至望燎皆奏樂

日出前二

刻遣官具朝服詣

廟內府贊禮郎二人引遣官入

廟左門贊引贊盥洗遣官盥手畢引升左階進

殿左門就正中拜位前北嚮立典儀贊執事官各  
共迺職贊引贊就位遣官就拜位典儀贊迎

神樂作司香奉香盤進贊引贊就上香位引遣官  
詣香案前贊上香司香跪奉香遣官立上柱香  
次三上辦香畢贊復位遣官復位贊跪叩興遣  
官行三跪九叩禮典儀贊奠帛爵行初獻禮司  
帛奉篚司爵奉爵進至

神位前司帛跪奠帛三叩司爵立獻爵奠正中皆  
退司祝至祝案前跪三叩奉祝版跪案左贊引  
贊跪遣官跪贊讀祝司祝讀祝畢奉祝版詣


神位前跪安於帛篚叩如初退贊叩興遣官行三叩禮典儀贊行亞獻禮司爵獻爵奠於左贊行終獻禮司爵獻爵奠於右儀均如初獻贊送

神贊引贊跪叩興遣官行三跪九叩禮典儀贊奉祝帛饌香詣燎所有司奉祝次帛次饌次香恭送燎所引遣官避立拜位西旁東面候祝帛過引復位祝帛燎半贊望燎引遣官出望燎贊禮成引退如儀





欽定大清會典卷八十八



總校官侯補中書臣吳紹潔

校對官編修臣莫瞻榮

謄錄監生臣周元濬

欽定四庫全書叢要

史部

欽定大清會典卷

八十九至  
九十一

詳校官編修臣繆晉





欽定四庫全書薈要卷八千三百十八

史部

欽定大清會典卷八十九

內務府

掌儀司二

凡朝賀設樂

皇帝率羣臣朝賀

皇太后

朝儀均詳禮部

設中和韶樂於

慈寧宮左右檐下設丹陛大樂於



長慶門內左右

太和殿朝賀禮成

皇帝御

乾清宮

皇后率

貴妃

妃

嬪朝賀諸

皇子皇孫咸朝賀設中和韶樂於

乾清宮左右檐下設丹陛大樂於

乾清門內左右

皇后受

貴妃

妃

嬪暨

皇子皇孫公主福晉命婦朝賀設中和韶樂於

交泰殿左右檐下設丹陛大樂於

乾清宮後左右均北嚮作樂咸以內監

凡賜茶恭遇

皇帝御殿移文尚茶備茶屆期分委護軍執事人等  
分賜丹墀兩翼文三品武二品以上各官及外  
國使臣茶由內務府官監視

凡燕外藩之禮歲除及正月十五日

賜外藩蒙古燕奏請

欽命進酒大臣內管領備筵九十席及期武備院張  
黃幕於

保和殿南正中內管領設反坫於幕下廣儲司陳  
尊罍卮爵於坫上尚膳正豫陳

御筵於

寶座上正中稍南

寶座下左右設外藩蒙古王公三旗內大臣及與燕  
文武大臣席各五行左右各二十有六東西嚮

寶座左右設後扈大臣席各一僉嚮

寶座前左右設前引大臣席各二東西嚮

寶座後左右豹尾班侍衛席各一次西設

日講起居注官席一均南嚮

殿外丹陛左右設台吉塔布囊侍衛席各三行左  
十有三右十有二東西嚮丹陛東設理藩院堂  
官席一慶隆舞大臣席一均西嚮黃幕旁左設  
禮部堂官右設內務府堂官席各一東西嚮樂

部設中和韶樂於

保和殿左右檐下設丹陛大樂於

中和殿後檐下左右均北嚮屆時鴻臚寺理藩院  
官引蒙古王公台吉入領侍衛內大臣序王公  
暨與燕大臣等各就班次班齊掌儀司官奏請  
御保和殿中和韶樂作奏隆平之章

皇帝陞寶座樂止蒙古王公暨與燕文武大臣侍衛  
台吉各就席行一叩禮坐尚膳正尚膳副護軍

參領升廂

御筵降廂進茶丹陛清樂作奏海宇昇平日之章尚  
茶正率尚茶侍衛執事等舉茶案由中道進至  
檐下正中北嚮跪注茶於椀進茶大臣奉茶入  
中門羣臣皆就本位跪進茶大臣由中陛升至  
御前跪進茶退立於西旁

皇帝飲茶與燕之蒙古王公內大臣各官均行一叩  
禮進茶大臣跪受茶椀由右陛降出中門衆皆



坐侍衛分

賜蒙古王公各官茶皆於本位一叩飲畢復行一叩  
禮尚茶正等徹茶案退樂止展席幕迺進酒掌  
儀司官二人自反坫奉壺爵一人奉卮由中道  
進至檐下左楹前丹陛清樂作奏玉殿雲開之  
章進酒大臣出席釋端罩

元宵補服

羣臣皆起立進

酒大臣入

殿內正中北面跪羣臣皆於坐次跪掌儀司官奉

壺酌酒於爵由中門入西嚮跪授大臣退進酒  
大臣奉爵興由中陞升跪

御座右進酒興由右陞降至原位跪

皇帝進酒進酒大臣行一叩禮羣臣皆隨行禮進酒  
大臣由右陞升跪受爵仍由中陞降跪掌儀司  
官入跪受爵退羣臣皆起掌儀司官一人酌金  
卮以入

賜進酒大臣酒大臣受卮一叩卒飲掌儀司官立受

卮退進酒大臣一叩興羣臣皆坐進酒大臣出

加端罩

元宵補服

入席坐尚膳正等率尚膳進饌殿

廷清樂作奏萬象清寧之章尚膳正等承

旨分賜食品於各席徧樂止笳吹作奏畢慶隆舞進  
舞揚烈舞畢隊舞大臣進殿中舞喜起舞所司  
舉反玷進至

殿陛下

御前侍衛酌卮酒升至

御座前

皇帝簡召王公大臣賜酒領侍衛內大臣起立視侍

衛徧

賜殿陛王公大臣台吉侍衛酒羣臣咸跪受一叩卒

飲一叩坐隊舞退朝鮮國俳進百伎並作退尚

膳正副護軍叅領等升徹

御筵降與燕蒙古王公大臣等謝燕行一跪三叩禮

丹陛大樂作奏治平之章禮成

皇帝還宮中和韶樂作奏顯平之章樂止鴻臚寺理  
藩院官引外藩暨衆官以次退○正月十四日  
頒賜外藩蒙古燕於各邸第筵席之數六十席

凡

慈寧宮筵燕恭遇

皇太后聖壽元日

於正月初二日設燕

各慶典前期禮部疏請得

旨命所司庀饌尚膳內管領庀

皇太后

皇后御筵肴饌

貴妃

妃

嬪饌筵親王郡王各進饌筵牲酒不足者光祿寺  
備具以足四十席豫期請

命進酒大臣命婦至日武備院張黃幕於

慈寧門外階下正中內管領設反坫於幕下廣儲司

陳尊壘卮爵於坫上內鑾儀衛設

皇太后儀駕本司內監設樂懸如儀尚膳女官內管領  
妻設

皇太后御筵於

寶座正中稍南東設

皇后筵西南嚮稍後設

貴妃

妃

嬪筵又後設公主福晉以下鄉君入八分公夫人

以上席重行丹陛上設公侯伯子男滿一二品  
大臣命婦侍衛妻席重行均東西相嚮屆時內  
監引公主福晉以下二品以上命婦咸朝服自  
永康右門入進

慈寧門序立於丹墀禮部堂官轉傳內監奏請

皇后率

貴妃

妃



嬪禮服乘輿出

啓祥門前引命婦八人恭導由

慈祥門入至

徽音左門外降輿入

皇后進殿內東旁西嚮立

貴妃

妃

嬪隨入東西面序立公主福晉命婦按翼於丹陛

上東西面序立均北上引禮女官奏請

皇太后御慈寧宮內監接奏

皇太后禮服出宮中和韶樂作奏豫平之章

皇太后陞座樂止引禮女官引公主福晉以次入

殿大臣命婦於丹陛上各就位

皇后

貴妃以下皆一拜就坐尚膳女官內管領妻升通  
御筵降迺進茶丹陛清樂作奏海宇昇平日之章尚

茶女官率尚茶婦舉茶案由中道至檐下闕外  
正中北嚮跪注茶於碗進茶女官奉茶由中陞  
升至

皇太后座前跪進茶退立西旁

皇太后飲茶

皇后率

貴妃

妃

嬪以下均行一拜禮進茶女官跪受茶椀由右陞

降出中門

皇后坐衆皆坐侍衛妻等進

皇后茶及分

賜貴妃

妃

嬪公主福晉命婦茶

皇后率

貴妃

妃

嬪以下於本位行一拜禮飲畢復行一拜禮尚茶  
女官率尚茶婦等徹茶案退樂止展席幕迺進  
酒內管領妻二人自反坫奉壺爵一人奉卮由  
中道進至檐下左楹前丹陛清樂作奏玉殿雲  
開之章進酒大臣命婦出席

皇后以下皆起立於本位進酒大臣命婦入

殿正中北面跪

皇后率

貴妃

妃

嬪以下跪於坐次內管領妻奉壺酌酒於爵由中  
門入西嚮跪授進酒大臣命婦退進酒大臣命  
婦奉爵興由中陞升跪

皇太后座右進酒興由右陞降至原位跪

皇太后進酒進酒大臣命婦行一叩禮

皇后率

貴妃

妃

嬪以下行一拜禮進酒大臣命婦由右陞升跪受  
爵仍由中陞降跪內管領妻入跪受爵退

皇后以下皆起內管領妻一人酌金卮以入

賜進酒大臣命婦酒大臣命婦受卮一叩卒飲內管

領妻立受卮退進酒大臣命婦一叩興

皇后以下皆坐進酒大臣命婦出就席坐尚膳女官  
率尚膳婦進饌殿廷清樂作奏萬象清寧之章  
尚膳女官內管領妻承

懿旨分賜食品於各席徧樂止內監下

慈寧宮簾

御前大臣禮部滿堂官引筚吹作奏畢慶隆舞進至  
丹陛舞揚烈舞畢引隊舞大臣進至丹陛舞喜



起舞尚茶婦等舉反坫進至

殿陛下大臣命婦進

皇后酒侍衛妻分

賜貴妃

妃

嬪公主福晉命婦等酒

皇后率

貴妃

妃

嬪以下一拜飲畢一拜坐隊舞退次朝鮮國俳進

百伎並作退尚膳女官內管領妻升徹

御筵降

皇后

貴妃

妃

嬪於殿內公主福晉命婦於丹陛上排班謝燕行

二肅一跪一拜禮丹陛大樂作奏正平之章禮  
畢樂止女官跪奏禮成

皇太后還宮中和韶樂作奏履平之章樂止引禮女官

恭導

皇后

貴妃

妃

嬪降階出

徽音左門陞輿還宮內監引公主福晉命婦各退

○

皇子成婚公主下嫁設燕

皇太后宮儀同

凡恭進饌筵元日正月十四十五歲除日

皇太后宮

皇帝

皇后宮皆進饌筵內務府總管一人省視恭進

貴妃

妃

嬪暨諸

皇子公主均備饌筵有差○恭遇

皇太后聖壽

皇帝萬壽聖節

皇后千秋令節各進饌筵如儀○每歲正月十六日

皇太后燕下嫁外藩公主郡主縣主郡君縣君鄉君蒙

古王公福晉夫人儀均與正月初二日大燕同  
凡

皇子婚禮先期移文欽天監諏吉以

聞迺

命夫婦偕老之大臣傳

制曰以某官某人之女某氏作配

皇幾子為福晉傳

制畢福晉父率闔族謝

恩行三跪九叩禮擇吉

簡內大臣侍衛隨

皇子詣福晉家行定親禮福晉父率闔族采服迎於大門外延

皇子入至正寢於福晉父母前行三叩禮畢

皇子回宮福晉父率族送於大門外諏吉行納采禮金領約一金耳飾六皆飾以東珠金簪大小各三皆飾以珠表裏百端棉三百斤貂皮百四

十白狐皮九十狐皮百六十以內務府總管宮  
殿監督領侍充使賜福晉父母冠服簪環金帶  
鞍馬筵燕五十席羊三十六酒五十尊及門福  
晉父母迎入中堂謝

恩行三跪九叩禮與燕大臣陪福晉父及族人之在  
官者燕於中堂內務府總管命婦女官同與燕  
命婦陪福晉母暨諸婦燕於內室迺作樂陳戲  
賓主酬酢畢中堂謝燕行一跪三叩禮內室謝



燕行二肅一跪一叩禮內務府總管暨宮殿監  
督領侍等回朝復

命成婚前一日

皇子於

皇太后

皇帝

皇后前行禮福晉母率諸婦至

皇子所居宮中設牀帳妝奩工部於箭亭及

皇子所居宮皆結采成婚日設燕六十席羊四十  
五酒六十尊禮部傳集與燕大臣侍衛各官暨  
與燕命婦延福晉父暨族人福晉母暨諸婦內  
外筵燕如納采儀屆吉時於

皇子宮設錦褥二東西嚮設酒饌案於前置兩爵  
兩盞於案請

皇子西面福晉東面相嚮行兩拜禮各就坐執事  
者執金餅女官以盞爵酌酒合和以進

皇子與福晉皆飲酒進饌酒饌三行

皇子與福晉皆起仍行兩拜禮徹饌案次日

皇子偕福晉朝見

皇太后

皇帝

皇后女官二人引

皇子居左稍前行三跪九叩禮福晉居右稍後行

六肅三跪三叩禮○

皇孫婚禮與

皇子同惟納采儀物羊酒饌筵有差

凡公主下嫁之禮前期欽天監諏吉以

聞迺

命夫婦偕老之大臣傳

制曰以某官某之子某尚某公主傳

制畢本官率閹族謝

恩行三跪九叩禮擇吉納采授額駙爵額駙詣

皇太后

皇帝

皇后宮門前行禮恭進納采禮於

午門外

詳見禮部

是日於

保和殿設燕集三品以上大臣燕額駙額駙之父  
及族人在官者王公有

特召者亦與禮儀均如歲除筵燕之制下嫁前一日  
內府女官率執事婦女至額駙府第設牀帳陳

妝奩下嫁日

欽命皇子福晉或近支王福晉貝勒夫人送至公主  
府第是日設燕延額駙父暨族人在官者與納  
采禮同屆吉時女使設錦褥二於室東西嚮設  
酒饌案於前置兩爵兩盞於案請公主東面額  
駙西面相嚮行兩拜禮各就坐女官一人執金  
餅一人以盞酌酒合和以進公主與額駙皆  
飲迺進饌酒饌三行公主與額駙皆起仍行兩

拜禮徹饌案次日額駙偕公主見舅姑行兩拜  
禮舅姑立受一拜答一拜擇吉公主偕額駙進  
宮於

皇太后

皇帝

皇后前行禮公主行禮於

宮中額駙行禮於

宮門外○王公之女奉

旨授為和碩公主郡主暨宗女撫養

宮中者其下嫁之禮各視爵秩以別差等筵燕會  
禮部辦理

凡進時憲書歲以十月朔欽天監堂官奉至  
太和門授本司官奉至

乾清門

慈寧門各授內監恭進

凡進春歲以立春日禮部率順天府官恭進



皇太后宮春山土牛本司官補服導引由

永康左門至

慈寧門授內監接進安設於

皇太后宮恭進

皇帝

皇后春山土牛於

後左門外本司官導引至

乾清門授內監奉進恭呈

皇帝御覽仍奉出安設於

太和殿東暖閣恭進

皇后春山土牛安設於

保和殿東暖閣

凡恭紀

玉牒黃冊據宗人府來文具奏請

旨族宮殿監督領侍等承

旨以未載入

玉牒之

妃

嬪等封號姓氏父族未載入

玉牒黃冊之

皇子皇女

皇孫皇孫女某行幾某年月日時生及母氏收生  
婦詳書於冊授內務府總管封送宗人府載入

玉牒

凡

親黻蟲為壇於西苑

皇后躬饗

先蠶

儀詳禮部

執事女官典儀一人贊引二人傳贊三人

司香一人司帛一人司爵一人奉福酒接福酒

各一人奉福胙接福胙各一人

以上各備一人

前引十

人相儀二人補闕八人

執事有遺闕者補之

均於宮人內

選充如不足數於內府及八旗命婦內選充置

桑田於

先蠶壇東南建繭館織室蠶宮二十七從室於

壇東北設蠶母二人於內外命婦中擇高年嫺禮儀者充之蠶婦二十七人擇內苑熟悉蠶事者充之均由府選充蠶初生

皇后躬採桑於桑田

儀詳禮部

從採

妃

嬪二位由府奏請

欽命公主親王福晉以下縣君輔國公夫人以上三

人文三品武二品官以上命婦四人由各旗開

列送府奏請蠶母率蠶婦助採蠶婦居蠶室視

蠶之眠起而謹飼之董以蠶宮令一人丞一人

由宮殿監督領侍於首領內監內選擬奏請歌

採桑辭十人司金鼓拍版六人司笙簫篴十有

八人執采旗四十人皆以內監充之及繭成

皇后獻繭於

皇太后

皇帝

親詣織室繰三盆手

儀詳禮部

皆以蠶母襄其禮

欽定大清會典卷八十九